

MORBI EPIDEMII

Brevis

DESCRIPTIO ET CURATIO

Per

DIAPHORESIN.

AUCTORE

JOHANNE DE GORTER

*A. L. M. Medicinæ Doctore &
Professore Ordinario.*



HARDEROWICI.

Apud GULIELMUM BRINKINK, Typ. &
Bibliopolam. M. D. C. C. XXXIII.

1733

Auctor nulla agnoscit exemplaria, nisi quæ
sua manu proprium nomen adscriptum
habent.

Wm. D. Porter

LECTORI

S.

Cum in principio hujus Constitutionis Epidemæ medicamenta, quæ in similibus morbis sporadicis adhiberi solent, experiebar nihil prodesse, hominesque misere & diu agitari antequam pristinam recuperarent sanitatem, multosque perire, operæ pretium duxi otium, quod destinaveram parti alteræ Compendii medicinæ, quæ materiem medicam viresque generales medicamentorum continebit, his paucis interrompere, ratus me magis inservire Bono Publico, tradens morbi historiam & curationem, qui adhuc multis in locis viget & methodo incerta pertractatur, quam ut petitioni amicorum maturam hujus partis editionem a me exigentium, obtemperarem: hæc enim descriptio, si unquam, hoc tempore erat in lucem emitenda. Sedulo itaque, quæ legendo ex variis morborum epidemicorum historiis colligere potui, examinavi, cum præsentī constitutione comparavi; tandem observando, ratiocinando

nando & experiendo, in eam incidi methodum, quæ morbi materiem per Insensibilem Perspirationem educit : de qua evacuatione pauci cogitant, utpote minus cognita & descripta ab auctoribus. Hinc, & quoniam in hac Constitutione experiebar multum valere hanc methodum, aliis quoque hoc opportuno tempore revelare volui. Satius fuisset si in principio Constitutionis edita esset, sed quia tunc non satis per praxin erat mea methodus comprobata, neque tempus sufficiens omnia perpendendi, in hoc usque tempus hanc editionem differre debui.



MORBI EPIDEMII

Hoc tempore Regnantis

BREVIS DESCRIPTIO

ET

CURATIO.

Morborum Epidemiorum causam inperscrutabilem esse medicorum nemo inficiatur, & eorum facile princeps Sydenham non erubescit fateri in constitutionis principio unum alterumve ægrum vitâ periclitari, antequam ad rectam & certam medendi methodum pervenerit: ita abscondita & varia est horum Morborum causa, ut vel perspicacissimos tam medicos quam physicos lateat, &, quamvis constitutionis præsentis naturam investigati fuerint, si iterum alia nascatur nova, omnino hallucinentur: frustra pervolvimus igitur auctores de Morbis epidemiis agentibus, cum medendi

A

methodus,

methodus, quæ istis optime successit, ægrisque summum attulit juvamen in præsentī constitutione quandoque obsit. Quare in omni nova constitutione epidemia, etiam a prudentissimis medicis, quidam periclitantur ægri, nisi quadam ratione vel casu in debitam methodum medendi inciderit medicus: neque huic succurrere possumus, nisi, sæviente morbo eo epidemio, quis methodum invenerit eamque Reipublicæ sacram faciat: si enim finita constitutione revelat eam, nimis sero venit. Existimavi igitur, quia hodie regnat Constitutio talis Epidemia, utile fore & medicis & ægris, meam qualemque methodum, ad medicorum commodum & ægrorum salutem publici juris facere, ut multis decumbentibus succurrerem, facemque accenderem in praxi minus versatis, & expertissimos instigare, si quid boni in arte invenerint, in salutem Reipublicæ divulgent, minime sibi servant, ut moris est, lucri & avaritiæ ergo.

Dum hac hyeme præmature gelu steterat aqua, & ab eo tempore, quando solebamus maximum observare frigus, aer fuit humidus, coenofus, nubilofus & præter consuetudinem calidus, per totam fere Europam, *Morbus* qui ex symptomatibus *Catarrhifus* posset vocari, natus est, paucis hominibus parcens, multosque opprimens non solum in nostris, verum etiam in exteris regionibus: ex quibus hujus morbi causam certo scimus fuisse universalem, neque ex victu, neque potu, neque alio vivendi genere deduci potuisse, sed causam aëris malignitati adscribendam esse, quem omnes haurimus, nos omnes ambit, etiam in locis absconditis degentes.

Aeri

BREVIS DESCRIPTIO &c.

Aeri hanc causam adscribendam esse comprobatur quoque morbi indoles locaque affecta: pulmo enim in omnibus, partesque reliquæ spirabiles ab hoc morbo maxime affectæ fuere, quas attingit aer nudus, & in quas præprimis suas exercet operationes. Hæc aeris malignitas quæri potest; vel in ejus qualitate manifesta, quemadmodum vocant medici, ut in humiditate, siccitate, calore, & frigiditate; vel in quadam occulta natura, quod quædam miasmata maligna Aeri mista a nobis inspirata hos morbos produxissent,

Non necesse est ad producendos Epidemios morbos aer sit semper venenatis infectionibus inquinatus, si enim sola sua humiditate exhalationes inutilium humorum sistat, id retentum, præprimis si diu retineatur, in magnum morbum sæpe præcipitare facit hominem; inde toties ab aere humido & frigido sine ulla maligna infectione generantur gravedines, tusses, catarrhi; inde ab aere calido & humido putredines frequentes: si talis sensibilis mutatio excellit multi homines eodem corripuntur morbo, qui tunc Epidemius dicitur, non ex maligna aeris qualitate, sed ex materia nostri corporis vel retenta vel corrupta.

Non inficior malignas exhalationes aeri puro mistas, sive quod vapores e terra elevati boni, diu cum aere circumducti, tandem vel aeris humiditate vel calore corrumpantur, sive quod ita maligni e terra exhalent, nostrum corpus afficere non posse, cum non solum aerem purum, sed etiam miasmata hæc tenuissima, quæ facile poros seu oscula minima vasorum absorbentium intrant, inspiremus: Si tamen sententia ferenda esset, vix credibile videtur a maligna aeris infectione provenire, quæ alicubi ex terra exhalasset; tunc enim magis

4 MORBI EPIDEMII

certo loco hic morbus esset affixus, nondum multas regiones simul occupasset: sed ut mihi videtur, vel sola inconsueta aeris caliditas & humiditas per multas regiones simul hujus morbi causa fuit, ex qua indole vel corpuscula volatilia semper aeri mista corrupta fuere, vel materia insensibilis perspirationis nostri corporis plus solito retenta & dein corrupta horum morborum causa statuenda videtur. Sit ut sit, sive cum aere inspiramus id acre, sive materia insensibilis perspirationis retenta in nobis aeris sit facta ab aere humido & tepido, causa morborum tenuis est & subtilis, atque sui generis, quæ ad curationem suam requirit vel emendationem vel expulsionem.

Aerem humidum laxare solida & materiam, quæ subinsensibili forma continua emanat e cute, minus auferre, nemo est qui dubitare potest, hygroscopia enim docent corpora in aere humido humiditatem in se trahere, & ex staticis scimus in aere humido hominum corpora minus perspirare, cum eorum augeatur pondus sine majore ingestionis copia. Materia hæc retenta, quia corpori inutilis, est enim de humoribus, qui functis muneribus, ad cutim pelluntur ut ibidem evacuarentur, sanis iterum assimulari nequit, quare quo diutius retinetur, eo magis a benigna sua indole recedit, ut fieri vidimus in omnibus excernendis humoribus si retineantur. Hic humor subtilis, nam crassiores invisibiliter per exilissima cutis spiracula evolare non potuissent, per minimos tranat canaliculos: quare non opus contineatur in vasis cruentis arteriosis & venosis, sed & lymphatica & nervos obambulat: ita hæc materia alienata multis modis nobis insidiatur, variasque partes aggreditur, plerumque sub

Catar.

BREVIS DESCRIPTIO &c. 5

Catarrhorum forma quos etiam *Destillationes* vocant, mira perreptat loca.

In hac præsentī Constitutione, sive miasmata cum aere inspirata, sive ex materia Perspirabili retenta & corrupta, generata fuerint, pulmonibus maxime infesta observantur, inducentia difficilem respirationem, tussim, anxietatem, dolorem pectoris fere pleuriticum in multis; in aliis vero ipsum caput aggrediuntur, ita ut sæpe homines in leve delirium vel vigilias diuturniores vel sopores adigantur: in omnibus gravedinem & pectoris oppletionem cum quadam febricula, producunt in principio, quæ progrediente morbo sensim magis intenditur & maligna fit, nam minus vehementia apparent symptomata, quam in febre inflammatoria adesse solent, dum tamen majus subsit periculi; in quibusdam statim quoque satis vehemens accedit febris, multitudinem infectionis materiæ denotans, qui homines inde periculosius decumbunt: nam venæ sectione non ita febris orgasmus temperatur, quam in febribus ardentibus, sanguisque e ductus minorem in superficie format cuticulam inflammatoriam, quare excandescencia febris in his magis ab irritatione hujus materiæ acris est deducenda, quam ex vera phlogistica causa; si enim satis mature vel educatur vel extinguatur hæc materia irritans sine ullo medicamento antiphlogistico, vix ulla commotio febrilis apparuit, & brevi tempore phlegmata pulmonum, ex naturali humoris mucilaginosi latera bronchiorum obtegentis tenacitate nata, his miasmatibus imprægnata, sub sputi forma ejecta sunt. Quamdiu vero particulæ hæc tenuēs, semivolatiles, acres, viscido bronchiorum, in lacunis asperæ arteriæ & ventriculis laryngis sub epiglottide,

glottide, intricatae hærent, has partes stimulant & irritant, unde tussis inevitabilis, & confluxus humoris copiosior ad loca stimolata, seu copiosior hujus mucii secretio, quo liber aeris transitus inhibetur in bronchia usque ad pulmonum vesiculas, tam diu durans, donec hoc acre cum omni suo coarcente mucō educatum sit: si vero satis valida simul exciteretur febris humores inspissans, tanta est in hoc spūto tenacitas, ut a lateribus asperæ arteriæ ex lacunis & ventriculis laryngis evelli nequeat, atque ita hominem diu & mittere fatigat antequam unicum phlegma expectorare valeat.

Massa reliqua humorum sana dein ab inquinante humore hoc inficitur, & turbata circulatione agitata in alienam prompte degenerat indolem, &, quantum ex symptomatibus patuit, magis in putredinem prona videtur, quam in phlogisticam diathesin: etiamsi sitis intenta, & in quibusdam lingua nigra Inflammatoriā dispositionem arguere videbantur, quæ etiam in febribus putridis observantur, cetera vero, ut pulsus debilior, vires prostratae, minus levamen ex sanguinis missione, calor non ita urens quam mordax putredinis præsentiam comprobarunt.

Sed quia in omnibus maxima pars malignitatis in succo asperæ arteriæ & membranæ pituitariæ latitavit, dein per reliquum corpus magis dispergebatur, cogimus fateri specialem hic fuisse in humoribus corruptelam, quæ facilius ab hoc quam alio succo recipi, foveari & retineri potuit. Tale quid non est insolitum in nobis observare. nonne in præcedenti morbo pestilentiali ruminantibus viscera chylopoietica præ omnibus aliis infecta fuere? nonne scabiola, herpetica, variola-

sæ materiæ virus in cutim deponit? nonne virus luis venereæ pinguedini & medullæ maxime infestum? nonne podagræ materia præprimis petit articulos, dum arthritica parum a præcedenti discrepans medios magis artus occupet? quis novit omnium horum reddere rationem? contenti esse debemus talia videre, sed sedulo indagandum, quali medendi methodo quibusque medicamentis appropriatis investigatam causam vel subigere vel educere possumus.

Ut Indicatio Curativa formetur in hac constitutione, repetendum est morbi materiem tenuem esse; nam si ve nata sit ex materia perspirabili retenta & corrupta, si ve cum aere a nobis recepta sit per pulmones, vel per cutaneos poros, de ejus tenuitate nemo dubitare poterit tempore infectionis: quod autem phlegmata tenacia postea producat, hoc non arguit ipsius materiæ crassitudinem, sed quod proritavit organa mucum fecernentia, vel induxit suo irritamento talem circulationem, quæ deinceps glutinosos humores generat. Observandum quoque experientia constare hanc materiem vi vitæ difficulter subigi aut expelli potuisse, quo enim major post susceptionem accendebatur febris, eo quoque magis sæviebant symptomata, non solum in pectore & pulmonibus, sed etiam in capite & reliquis partibus; neque potuisse mucilaginosi mollibus & pectoralibus ita obtegi, ut fieret innocua: per experientiam enim didici, cuncta pectoralia ex radice Graminis, Glycyrrizæ, Althææ, herba Tussilaginis Malvæ, Violæ, floribus Papaveris rheados, nihil levaminis ægris attulisse, imo ex eorum usu magis tussire sine phlegmatis expectoratione.

Hæc mecum reputans hanc mihi formavi indicationem
curativam,

curativam, primo quoniam materia erat tenuis & volatilis, omnium optime per Insensibilem perspirationem educi posse: dein quia intricata hærebat in multa visciditate nostricorporis, eam esse solvendam, ut recepta materia educi posset. Inquisivi dein medicamenta, quæ huic Indicationi adimplere possent, quæ nempe largiorem perspirationem faciebant, resolvebant mucilaginem, & tamen non magnum calorem excitabant.

Nullum potui his indicationibus aptius invenire medicamentum, quam est *Spiritus salis Ammoniaci extemporaneus*, qui paratur ex sale Ammoniaco in aqua soluto & filtrato, atque liquore aliquo alcalino, ex sale Tartari, Absinthii, Cardui benedicti, &c: inter se post liquationem mistis, larga aquæ alicujus destillatæ quantitate dilutis & temperatis: sed quia talis spiritus non ubique prostat, dictos sales præscribebam aqua destillata diluendos. Hoc medicamentum candide fateor certius curavit Tussim & Catarrhos, quam olim Peruvianus cortex febres intermittentes: an vero ut Antidotum extinxerit Catarrhi materiem asserere non audeo, interim tamen ita lenivit tussim, ut non obscure tale quid ab hoc medicamento præstari videretur: & quia statim post ejus usum phlegmata copiosius & facilius emittebantur.

Si a principio vocabar vix ultra drachmas duas horum commistorum salium partitis vicibus assumpserunt intra biduum, quin liberati erant a Catarrho & Tussi: quibus vero protinus aderat febris calida, pectoris & capitis dolor, cum non obscuris futuri delirii signa, iu his prolongabatur morbus ad unam vel alteram hebdomadem, & inde majorem quantitatem hujus spiritus extemporanei propinare debui, simulque semel aut bis

B R E V I S D E S C R I P T I O &c.

9
bis sanguinem mittere, ut versus caput impetus minueretur. Adjeci insuper ad hunc motum infrænandum præcedenti Julapio ex hoc spiritu cum aqua v: g: Hyssopi, Scabiolæ, aliquid anodynum ex Laudano Liquido vel Syrupo Papaveris albi vel Diacodii. Si vero vel ex senectute vel corporis debilitate solito tardior mihi videbatur circulatio, quam ut posset per insensibilem Perspirationem hæc educi materia, semidrachmam vel ðij radice Contrayervæ Julapio unciarum sex adjeci cum guttulis quatuor olei destillati Sassafras in elæosaccharum redactas: & ut Julapium, ex admisto spiritu vel salibus his ingratum, ab ægris facilius posset capi aliquem syrupum addidi. Ita Liquore tenui & ægris non ingrato præter expectationem brevi tempore omnes meos sanavi ægros.

Usitatissima in hac Constitutione formula erat sequens
℞. Aq: Pulegii, Hyssopi, ana ʒiiij. salis Ammoniaci depurati, Absinthii, ana ðij Rad: Contrayervæ, Theriacæ ana ʒ^{ss} Laudani Liquidi Sydenh: gutt: xx. ol: corticis Citri, Sassafr: ana gtt: iiij. Sacchari albi ʒi. Syrup: Papaveris albi ʒj. M. Capiat omni hora ʒj. Si vero calor febrilis major aderat minuebam quantitatem calefacientium & tunc aliquid salis Prunellæ addidi; si vero motus languebat Aquam Theriacalem, Tincturam Croci, aliaque Diaphoretica calida huic Julapio adjunxi.

Quibusdam quoque præscripsi Apozema ex Hyssopo, Scabiola, Salvia, Veronica, Agrimonia, ligno Sassafras, Glycyrrhiza, sed si simul non propinaretur dictus spiritus seu sal volatilis ammoniacalis, nullum ex hoc decocto levamen observare potui. Neque ex Spiritu salis Ammoniaci destillato, neque ex Sale volatili oleoso Sylvii tam bonum vidi effectum, forsitan quia ab his se-

paratus est sal neuter, qui in destillatione non ascendit, & in hoc morbo optimum est resolvens sine stimulo calido.

Etiam si hoc medicamentum meis indicationibus videbatur respondere, in principio vero constitutionis nondum sum ausus istud porrigere Ægris, veritus salia soluta titillationem inducerent & exasperarent tussim: Sed frequentiori experientia edoctus, non solum in Ægris meæ curæ commissis, verum & aliorum medicorum, qui in hac Constitutione meum rogarunt consilium, ex usu hujus medicamenti nunquam exasperari tussim, at phlegmata liberius & copiosius sine multa tussi prodire, videns, intrepide postea hoc medicamentum liberius & frequentius exhibui: neque poenituit factum, nam omnes, quos hac methodo tractavi, curati fuere, nullusque periit. Si cui hanc methodum amplecti libet, minime dubito, quin poterit eundem expectare effectum: simplex est & facilis, debet enim æger dumtaxat singulis diebus, partitis vicibus, ad drachmam unam vel alteram sub forma varia assumere cum supra citatis cautelis. Si quis autem methodum hanc despiciat ob simplicitatem, scire debet præstantissimas curationes Simplicibus absolvi, raroque morbos curari medicamentis maxime compositis, vel summa Chemicorum industria elaboratis, qui simplicibus curari non potuere.

Non me quoque latet, si hoc mihi arcano servassem, aliisque medicamentis misto, sub quibus absconditum ruto latere potuisset, multo majoris fuisset efficacitæ, ut fieri vidimus in arcanis, & celatis medicamentis, quæ quam primam divulgantur, eorum simul virtus evilescit; & id quod inventori magnum attulit lucrum, postea nullius pretii habetur: verum bono Publico,

cum

cum aliis in regionibus adhuc dominatur hic morbus, intervire satius duxi quam proprio lucro.

Non necesse putavi multis morborum historiis veritatem curationis per hoc medicamentum comprobare, quum unicuique satis sit cognitum, quam universalis hic fuit Morbus Endemius, & sciscitare possit tales multos quoque mihi oblatos fuisse ut iiscu-ram gererem, sed hos si enumerare vellem sine ne-cessitate tempus tererem.

Majoris vero momenti videtur mihi reddere ratio-nem, quæ me movit recedere a longo Eclegmatum & Decoctorum Pectoralium usu in morbis pectoris, Tussi, Gravedine & Catarrhis in pulmones ut dicunt destil-lantibus hujus Constitutionis. Hoc ut expediam quat-dam movebo contra Mucilaginosorum ulum difficulta-tes, quæ me detinuerunt: dein conabor paucis probare nostram methodum non solum respondere practicis ob-servationibus, sed & etiam subtilitate therotica pro-bari posse.

Omnibus constat Eclegmata & Decocta pectoralia non attingere internam asperæ arteriæ membranam, neque ingredi Laryngis ventriculos sub epiglottide, sed insalutatis his partibus per oesophagum descendere in ventriculum. Si ergo in Larynge vel in membrana pituitaria, quæ investit narium foramina, sinus Maxil-lares, Frontales & Ephippii, hæreat humor acris titil-lans, quæ mucilaginosus esset obvolvendus, frustra ab his medicamentis, quæ has non attingunt partes dum deglutiuntur, expectamus lenimen: cum hæc ex infor-tunio has partes attingunt, tantum abest quod leni-rent, ut potius tussim inducerent, quemadmodum

unusquisque expertus est, si aliquid, etiam si sit mera aqua, in asperam arteriam inciderit.

Nihilo magis exspectare potest ab iisdem dum transeunt oesophagum, qui canalis est ab aspera arteria omnino distinctus; neque in ventriculo vel intestinis hærentia aliquid solaminis pulmonibus adducere possunt. Multi tamen existimant mollia & mucilaginosam a lacteis recepta, cum sanguine ad pulmones lata, egregie temperare, & obvolvere acre irritans in aspera arteria & membrana pituitaria. At vero mecum perpendeant, oscula lacteorum exilissima esse, nihilque transmittere quod glutinosum aut mucilaginosum est, quin debeat prius saponacitate humorum confluentium actioneque ventriculi & intestinorum ita attenuari, ut constituat humorem liquidissimum, qui dein affluente lymphæ e vasis lymphaticis per ductum thoracicum magis dilutum infunditur sanguini venoso. Nequit itaque mucilago illibatis viribus in sanguinem venire, ut ita tenacitate sua deinceps pulmonum acrimoniam obvolveret.

Instare quis posset, exuunt Mucilaginosam mollia suam naturam in primis viis, ut intrent lactea, verum in sanguinem si veniant, pristinam naturam recuperant & quasi regenerantur. Hi concedere debent id tunc præprimis fieri in vena subclavia, quum primo misceantur sanguini: sed hi quoque prævident facile parvam mucilaginosorum copiam lymphæ priori ita dilutam, nunc partitis vicibus exigua quantitate simul sanguini mistam, non posse amplius cohærere. Si tamen contra omnem rationem contendunt, particulas mucilaginolas in vena subclavia colligi, ut ita unitis viribus ferrentur per ventriculum cordis dextrum versus pulmones,

mones. Ne quidem hoc sufficeret, nam ex vena pulmonali non fit mucilaginis asperæ arteriæ secretio, sed ex extremis arteriæ bronchialis, quæ aortæ vel intercostalibus debet originem. Imo vero si concederetur, potius pulmonum plexus inter arterias & venas pulmonales obstruerentur, quam ut adducta glutinosa per vasa excretoria, quæ semper minora vasis circulantibus, transudarent. Qui vero rejectis his omnibus luctatur futili ratione, mucilaginosam assumptam totam sanguinis massam temperare; is ignorare debet pulmonum actione omnia assumpta glutinosa eo usque attenuari, ut reliqua corporis vasa permeare queant, totamque suam exuere naturam, si modo transierint pulmones. Quis etiam esset tam inscius, qui putaret mucilaginosam totam sanguinis massam mista, solas arterias bronchiales intrare, ut ibidem deponerentur? Has ob rationes me detinui ab usu decoctorum mucilaginosorum in præsentî Constitutione, quum neque ratione, neque experientia eorum usum probare potui. In multis etiam vidi ægris, qui talia assumere, me majori semper quantitate medicamenti uti debere ad curationem, quam si talia non fuissent ingesta tenacia.

Si respiciamus ad morbi causam, quæ tenuis & acris est, & quæ, quo diutius hæret, eo magis evehitur & acrior redditur; nulla inde curationis indicatio, quæ suaderet mucilaginosam: scopus enim est vel corrigere vel educere: sed si addantur mucilaginosæ, neque educitur, neque corrigitur, obvolvi tantum posset: hoc si obtineretur moram induceret medicamentum, & inde generaretur gravior morbus. Frustra quoque expectant liberiores expectorationem; phlegmæ enim tenacia solventibus abstergantur, minusque coherencia ad

latera asperæ arteriæ fiunt, ut facilius dein educantur: sed hoc neutiquam a mucilaginosi est expectandum, quæ potius homores tenues admistione sua eo ulque in-
crassarent & tenacia facerent, ut deinceps lateribus magis adhærerent.

Ita si sedulo perscrutemur medicamentorum virtutes, multa invenimus inania, præpostera & ridicula, quæ tamen auctoritate auctorum obcæcati sequimur, non perpendentes quid ipsi vidimus in praxi, quid nos docet sana ratio, quasi piaculum esset recedere ab usu recepto, quamvis perpetuo infelicem in praxi observamus effectum. Veneror quoque vetustatem ob multa præclara inventa, sed quia hoc seculo multa in Anatomicis, multa in Chemicis, multaque in Physicis detecta sunt, quæ veteribus fuere incognita, ex quibus certiori ratione medicamentorum vires eruere valemus, & laboribus veterum simul fruamur, minori labore ad majorem certitudinem pervenire possumus.

Antequam claram nostræ methodi in hac Constitutione proferre cognitionem valemus, quædam præmittenda, ex quibus tanquam principiis hæc deducitur methodus. Ex Physiologicis assumendum, inter fibrillas nervorum inveniri liquorem gelatinosum, lubricationi, humectationi & nutritioni forsân fibrillarum nervosarum destinatum, ex arteriis, quibus integumenta membranola cerebri & nervorum latent secretum, qui dein functo munere a lociis venis in iisdem capulis absorbetur pro maxima parte in itinere: sed, quando in organum intrat nervus, quoniam tunc semper extimam tunicam exuit, solæque fibræ, vel per totam organi substantiam disperguuntur, vel in pulpam mollem aut papillas sentientes desinunt, hujus succi nervei retina-
cula

cula evanescunt; quare succo huic liber patet exitus, vel in cava corporis, vel vasa venola lymphatica, vel in glandulas, ut reducatur ille humor, qui iterum præparandus est in priorem usum, vel exhalat per cutim. Dum enim in cutim desinit nervus, ab ejus involucribus Reticulum Malpighii formatur, papillas sentientes per foramina ejus transmittens: si ergo liquor erat capulis nervorum coarctus hic patulam inveniet viam ad latera scilicet papillarum. Nullum ergo pro hujus humoris evacuatione per cutim restat dubium, nisi quod ejus præsentia & motus probetur. Quoniam hic in in subtilissimis versamur, quæ oculis ne quidem armatis assequi possunt, probatio ex necessitate rei vel analogia sensibilibus est deducenda. Si quis hunc negat disputandi modum, certe multa in nostro corpore fierent, quæ facile possent refutari. Nemo inficias ibit, qui limina demonstrationum anatomicarum salutavit, quin admittat involucria nervorum arteriis multis scateret, desinentibus in venas cruentas socias, arterias minores lymphaticas, atque vasa lateralia exhalantia, quæ succum suum a sanguine secretum fundunt in cavum capsulæ nervorum, hoc convenit communi legi circulationis per totum corpus: ex his itaque arteriarum extremitatibus seu potius arteriarum lymphaticarum perpetuo exhalat ille humor, qui inter nervorum fibrillas observatur; habetur itaque fons seu scaturigo ex quo hic humor venire potest. Objiciat forsan aliquis ex cavis fibrillarum nervosarum hunc potius effundi liquorem: sed hoc contrariatur naturali ordini in corpore nostro, quia tunc spiritus effunderentur in communem cavitatem antequam veniret ad organum, ubi vel motum, vel sensum exercere deberet. In hoc autem casu non
esse

esset lis de præsentia humoris, sed de origine. Humoris præsentia facile liquet ex sauciato vivi animalis nervo, magnum sæpe humoris copiam exstillante, qui vel ex cavis fibrillarum vel ex earum interstitiis fluere debet: sed hic exstillans liquor, qui gelatinosus, ex nervorum tubulis haud profluere potest, hoc enim non quadrat tenuitati spirituum, qui per canaliculos invisibiles a cerebro ad dissitas corporis partes ferri debent. Imo ipsa ratio dicitur hunc succum præsentem esse & provenire debere ex valculis capsulæ nervi, invenimus enim fibras nervorum undique humidas, quod habere nequeunt ex cavitatulis suis spiritibus destinatis, quin simul periret spirituum actio ad motum & sensum, ad quæ integri requiruntur canaliculi a principio ad finem spiritus coarcentes.

Qui modo concipit hujus liquoris præsentiam, simul intelliget ex generali lege hunc humorem non stagnare posse, sed more aliorum humorum circumduci, consumi, evacuari & regenerari.

Credibile est per ora venarum ejusdem capsulæ, ut deponitur ab arteriis, recipi hunc liquorem & circulantibus misceri, maximam tamen partem cum nervis vehi ad ea loca, ubi fungitur munere suo nervus. Inde non obscure deducitur, cur glandulæ & cutis majore nervorum copia donantur quam musculus ejusdem molis, qui & sensum & motum simul exercet: videtur enim Omnipotentem Creatorem voluisse, ut ad has partes hic succus, absoluta nutritione & humectatione fibrillarum nervosarum, ferretur, vel ad evacuandum id quod inutile est, vel ad lymphæ permiscendum id, quod renovata pulmonis elaboratione usui adaptari posset,

Circulatio hujus humoris non potuit talis esse quemad-

BREVIS DESCRIPTIO &c. 17

quemadmodum depingitur in cavis fibrillarum ab origine ad exitum per singulares distinctos canaliculos: est enim nervorum capsula multis fibris nervosis communis vagina, adeo ut liquor tali capsula contentus, si eat & redeat ad varias corporis partes pervenire possit sine extravasatione ulla. Non obstat lex generalis pro itu & reditu hujus liquoris, quum capsulæ cavitas ob intus contentas nervorum fibras, a valvulis sepi nequeat.

Satisputo evictum nunc esse inter fibrillas nervorum succum seu liquorem inveniri a spiritibus distinctum, ex arteriis capsularum nervorum secretum, cui patet in cute, pulmone &c: exitus: probare ergo restat hunc humorem exhalare sub forma insensibilis perspirationis. Ad hoc asserendum recurro iterum ad generalem humorum cognitionem, nullum nempe humorem esse in toto nostro corpore, quin, si opus suum absolverit, pro parte inutilis reddatur, istudque inutile e corpore pellatur: hoc quoque admittere succo huic nulla mihi cognita est ratio quæ dissuadet, & haud credo ab aliquo in dubium vocari posse: istud inutile non erat permiscendum circulantibus humoribus, ut pulmo impenderet ulteriorem laborem ad hoc inutile præparandum, sed compendiosiore via per nervorum extremitates, e cute potuit evacuari. Inde tanta nobis ab insensibili perspiratione utilitas, auferens succum nervorum actione sua inutilem factum.

Arteriæ quoque per cutim, pulmones, asperam arteriam, fauces & pituitariam membranam disperisæ, ex lateribus suis minora vascula simili modo arteriosa inde arteriæ lymphaticæ dicta, emittunt, deposito sanguine rubro in venas; hæc ergo semper ob exilitatem liquorem sanguine tenuiorem recipiunt ex arteriis.

Ex his dein lymphaticis arteriosis & forsan adhuc tenuioribus, quia pellucida visum illudant, emittuntur vasa exhalantia sine glanduloso organo, quæ altera est via, qua humor ille tenuis & acris hujus morbi Epidemii evacuari, & huius exitus in naturali perspiratione prohiberi potest. sed vero si inquinans materia aeri mista, humoribus nostris est communicanda, id osculis venarum adscribendum; non satis enim constat per nervos absorptionem fieri.

Si ergo aer humidior & frigidior hujus humoris, vel ex nervis vel arteriis evacuationem inhibiat, quod præprimis in senibus observatur, quibus minor est vigor in fibris capsularum & arteriarum motu vitali, ut reliquæ nostri corporis partes, donatis, retentus humor excretioni insensibili destinatus, nobisque non amplius utilis, vel ibidem stagnat vel retropellitur. In utroque casu, si aliunde non evacuetur, semper post diuturniorem moram in nostro corpore morbum fovet, qui deinde erumpit, quando ob retentionem in malignam indolem evehitur, coarcentia vasa adurit; quod solenne est in humoribus omnibus evacuationi destinatis, si retineantur: hoc probat urina & alvi excrementa diutius retenta.

Quamdiu hic tenuis humor in nervis propriis suis capsulis coarceatur, nervorum loca oberrat, hoc est per varias ducitur corporis partes, ut est nervorum cursus varius: deinde a venulis capsularum receptus, circulantibus permixtus, ineptus tamen manet præparationi, ducitur ad omnes corporis partes, sed præcipue eas, quæ ejus naturæ maxime conveniunt: & , ut nunc a posteriori patet, ad bronchia, asperam arteriam & membranam pituitariam, loca ex quibus perpetuo multus

tus humor exhalat: imo vero ad cerebri meninges, membranam pleuram, aliasque partes membranasas, quas sua acrimonia vellicat, instigat, magisque movere facit, adeo ut motu suo similem fere motum excitet ut in inflammatione, quæ tamen brevi post cessat, si hoc tenue & acre ablatum sit.

Nimis facilis & generalis quibusdam hæc videbitur Theoria, dum tantum depono hunc humorem istius esse naturæ, ut potius has quam alias partes occupet, & nos hoc tantum a posteriori scire: sed regero, nos adhuc minus cognoscere, cur purgans alvum ducit, etiamsi in venam injiciatur vel ventri inungatur? cur diureticum urinam movet? cur sialagogum salivam? cur sudoriferum sudorem? nonne hæc omnia & centena alia a posteriori per experimenta deteximus? nondum enim nobis liquet ex eorum medicamentorum structura vel partium figura deducere operationem; & quamvis cognita esset figura, ulterius sciscitarer, cur talis figura magis hanc quam aliam partem peteret, adeo ut nunquam rogandi esset finis. Hinc videmus rationem nostram plus valere, quod liquor nervorum corruptus mavult nervos repetere, quia eorum est liquor proprius, quam quod assero ex dictis aliquod medicamentum certam facere evacuationem.

Ex dictis constare potest, materiem insensibilis perpirationis retentam, acriorem factam, tenuem, in pulmones & membranam pituitariam præcipue depositam, materie mucilaginosæ harum partium naturali intricatam, stimulare has partes, quo major istius humoris mucilaginosi copia prolicitur, ut sit in omni stimulado organo secretorio, & motus tandem febrilis excitatur, hoc probant omnia phænomena hujus Constitutiones;

restat ergo inquirere, an medicamenta nostra ad mali originem pervenire possint, & an valeant morbi materiem vel corrigere vel evacuare.

Medicamentum nostrum ad partem læsam & morbi causam pervenire posse ex summa medicamenti tenuitate unicuique patere potest: cum nulla penetrantiora faciliusque solubilia occurrant, quam salia volatilia, miscibilia non solum aquosis, omnibusque liquoribus nostri corporis, sed quod magis, liquores salibus imprægnati fluidiores redduntur, & difficillime ab aqua separari possunt sales, nisi exhalatione, si sal sit fixus. Si verum fatear, quod sentio, mihi videtur in nostro corpore sales assumptos vix pertingere ad intestina, sed protinus in ore, oesophago, & ventriculo a venis absorberi, præprimis si volatiles sunt: atque ita brevi tempore toti sanguinis massæ misceri, cumque ea circumduci, usque in capsulas nervorum ferri, & cum eo succo misceri: hoc mihi probari videntur morbi nervorum ex cruditate hujus succi, nati, qui sub hystericæ passionis, vel hypochondriacæ affectionis, & quandoque crispationis vel oscillationis titulo ab auctoribus citantur, cum a spiritu ammoniacali non nimis acri semper levamen percipiant. Ad hunc succum perveniendum non longa utitur via natura, ex arteriarum extremitatibus enim sine ullo glanduloso organo hic deponitur liquor, & quia aquosus facile secum ducit salem volatilem ammoniacalem, atque neutrum ex commistis his salibus: neque magis artificiosa, vel intricata est via in pulmonis internam membranam, bronchia & asperam arteriam vestientem, liquorem ducens; arteriæ enim bronchiales, ex communi sanguinis scaturigine, aortâ vel intercostali arteria, sed patulis orificiis, quæ motui horum salium non interciperent, sanguinem cum reliquis

quis humoribus recipientibus, ad has partes conducunt; ex quarum extremitatibus denique, cum secreto muco pulmonum & faucium, hi soluti sales exire possunt.

Nulla itaque obstat via, ob quam non possunt venire sales hi volatiles & neutri ad partem affectam: neque verisimile est his permissionem denegari, quum de natura sunt saponacea, quæ non solum facile miscentur, sed etiam aliorum minus miscibilium admistionem auxiliantur. Quod vero sales volatiles cutim, pulmones, membranam pituitariam petant magis, quam partes alias, non caret ratione: volatilia enim semper aeris consortium amant, si enim aeri exponantur tandem toti permisceantur aeri, hoc est evolant, priorem relinquentes sedem. Est ergo de natura horum salium peripheriam corporis petere aliasque partes, quas aer lambit, ut tandem exhalent & aeri permisceantur.

Antequam exeunt, suo levi stimulo brevi evanescente, & saponacea indole, lentos humores ob defectum motus concretos resolvunt; quare in tumoribus oedematosis, fomentis, senicupis & cataplasmatibus admiscetur spiritus salis ammoniacus cum incomparabili successu, si talis humor est solvendus: hinc in bronchocele, hydrocele, angina aquosa, tumoribusque oedematosis vix ullum præstantius invenitur, cum potens est medicamentum, ad solvendum id viscidum, quod continebat acre intricatum.

Ita ex soluto viscido sponte sua exhalare potuisset acre morbi Epidemii, sed quasi hoc non sufficeret, ejus etiam exhalationem promovet: nam sal ille volatilis ad peripheriam corporis tendens secum rapit hoc acre, ut fieri vidimus in sublimationibus cum sale ammoniaco,

quia sal ille solus non eleuetur, sed simul tanquam alis suis alia fixiora in altum attollat & volatilia reddat: ita promouet insensibilem perspirationem, educit morbosum acre, glutinositatem & cruditatem succi nervosi & muci incidit, resolvit, & expellit, liberat hominem a viscido, tenaci, & evacuat acre inquinans materię insensibilis perspirationis retentę, vel ex aere susceptum.

Sed quoniam medicamenta vix ullum sortiuntur in nobis effectum si non ducantur per motum vitalem in actum: inde sæpe huic alia adjeci calefacientia diaphoretica, quę suo stimulo majorem motum excitarent: nam ipse hic spiritus magis refrigerare, hoc est minuere motum vitalem, videtur quam calefacere: nunquam enim ab hujus spiritus usu majorem in corpore calorem aut acceleratam circulationem invenire potui, & Indiam Orientalem navigantes, si intolerabili solis ardore vexantur aliquid salis alcalini volatilis ingerant, quo brevi post refrigerantur. quare ego in morbis chronicis, si langueant vires, tardiorque habeatur circulatio, nunquam hunc spiritum sine calefaciente adjuncto propino; neque etiam in hac constitutione, nisi simul validior aderat circulatio & corporis calor in juvenili ætate. Hinc inanis ille timor est abjiciendus, quo putant spiritum hunc extemporaneum nimis excalefacere & irritare tussim, cum continua observatione experiar homines potius ex ejus usu refrigerari & tussim leniri.

Ex his patet, nostram methodum per insensibilem perspirationem educendi morbi epidemii materiem, valere tam in theoreticis quam practicis; minime vero per pectoralia & mucilaginosā hunc ita sævientem morbum, utpote materia tenui volatili constantem, quę mora
ulteriori

BREVIS DESCRIPTIO &c. 23

ulteriori per glutinosa inducta acrior redditur, & ab hujusmodi ingestis obtegi nequit, curari posse.

Reliqua aliarum Constitutionum Epidemiarum quæ huic non respondent recitare nolui, quia animus erat hunc solum morbum, non vero omnes Epidemios, describere, quod ab aliis satis præstitum est.

E I N I S



